



Brčko, 5.2.2024.

U toku pripreme za prve “start-up stanovnike” u Brčkom i Loznici

Članovi i članice Tima na projektu NESESER (Newly established Start-up Enterprise SERVICES) na drugom redovnom sastanku upoznali su članove i članice Savjetodavnog tima o toku implementacijskih aktivnosti predviđenih projektnom aplikacijom.

Projektne menadžerice s obje strane granice (BiH i R Srbija) Indira Muharemović i Ana Milenković saopštile su da je prostor budućeg poslovnog inkubatora osiguran, te da su u toku pripreme tenderske dokumentacije za nabave opremanja poslovnih inkubatora / centara, vrijedne 95.000 konvertibilnih maraka, nakon čega se očekuju prvi “start-up stanari”.

Grad Loznica ranije je osigurao prostor za svoje start-up stanare, dok je Brčko distrikt BiH tek nedavno riješio ovo pitanje zbog administrativnih procedura prema kojoj je najprije potrebno bilo uz suglasnost Vlade Brčko distrikta dobiti adekvatan prostor u centru grada, a potom ga renovirati kako bi služio svrsi zamišljene namjene. Kancelarija za upravljanje javnom imovinom u ime Razvojno – garantnog fonda Brčko distrikta BiH je izradila projektni zadatak te je u toku pribavljanje ponuda za projektovanje prostora za uspostavljanje poslovnog inkubatora / preduzetničkog centra. Nakon izrade projektno-tehničke dokumentacije, pristupit će se izradi tenderske dokumentacije za nabavku usluga radova.

U narednom razdoblju Projekti tim će raditi na umrežavanju poslovno-preduzetničkih centara na lokalnom i regionalnom nivou, o čemu će javnost biti obaviještena.

Podsjećamo, projektat NESESER sufinansira Evropska unija u okviru finansijskog instrumenta pretpristupne pomoći (IPA II), a realizuje Razvojno-garantni fond Brčko distrikta u partnerstvu sa Gradom Loznica i Institutom za razvoj i inovacije IRI iz Beograda.

Projekat sufinansira Evropska unija

